

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 156. stav 2. Poslovnika Skupštine Zeničko-dobojskog kantona - Treći prečišćeni tekst (“Službene novine Zeničko-dobojskog kantona”, broj: 14/18 i 18/18-Isp.), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 23. sjednici, održanoj dana 04.10.2019.godine, d o n o s i

## ZAKLJUČAK

### I.

Prihvata se Mišljenje Ministarstva za prostorno uređenje, promet i komunikacije i zaštitu okoline o Inicijativi Općinskog načelnika općine Maglaj, za davanje autentičnog tumačenja člana 9. Zakona o komunalnim djelatnostima Zeničko-dobojskog kantona (“Službene novine Zeničko-dobojskog kantona”, broj: 17/08).

### II.

Zaključak sa Mišljenjem iz tačke I. ovog zaključka, upućuje se u dalju skupštinsku proceduru.

### III.

Zaključak stupa na snagu danom donošenja.

Broj: 02-\_\_\_\_\_ /19  
Datum, 04.10.2019. godine.  
Z e n i c a

**PREMIJER**

*Mirza Ganić*

DOSTAVLJENO:

1x Ministarstvo za prostorno uređenje,  
promet i komunikacije i zaštitu okoline,  
1x Stručna služba Skupštine,  
1x a/a.

Na osnovu člana 156. stav 2. Poslovnika Skupštine Zeničko-dobojskog kantona-Treći prečišćeni tekst (*"Službene novine Zeničko-dobojskog kantona"*, broj:14/18 i 18/18-Isp.), Ministarstvo za prostorno uređenje, promet i komunikacije i zaštitu okoline Zeničko-dobojskog kantona, daje

## MIŠLJENJE

O

inicijativi za davanje autentičnog tumačenja člana 9. Zakona o komunalnim djelatnostima

Načelnik općine Maglaj dostavio je putem protokola Zeničko-dobojskog kantona, predsjedavajućem Skupštine Zeničko-dobojskog kantona Inicijativu broj:01-49-2414-1/18 od 27.08.2019.godine, za davanje autentičnog tumačenja člana 9. Zakona o komunalnim djelatnostima (*"Službene novine Zeničko-dobojskog kantona"*, broj:17/08).

Članom 9. stav (1) Zakona o komunalnim djelatnostima (*"Službene novine Zeničko-dobojskog kantona"*, broj:17/08) definisano je da: "Općina obavljanje pojedinih komunalnih djelatnosti koje se finansiraju iz njenog budžeta obavezno povjerava javnim preduzećima komunalnih djelatnosti, koje je odlukama općinskog vijeća formirala za obavljanje tih komunalnih djelatnosti".

Članom 3. stav (2) pod tačkom k) istog zakona, definisano je da se pod komunalnim djelatnostima zajedničke komunalne potrošnje podrazumijevaju i slijedeće djelatnosti: "Čišćenje i razgrtanje snijega i leda sa javnih gradskih površina i lokalnih puteva i posipanje abrazivnim materijalom, ulica i lokalnih puteva".

Općinski načelnik općine Maglaj zatražio je autentično tumačenje člana 9. stav (1) Zakona o komunalnim djelatnostima i pojašnjenje da li Općina Maglaj, kao organ uprave, može direktno bez postupka javne nabavke i pod kojim uvjetima za poslove čišćenja snijega i leda sa javnih površina i lokalnih puteva, angažovati Komunalno javno društvo Maglaj, koje je u vlasništvu Općine Maglaj.

Ministarstvo za prostorno uređenje, promet i komunikacije i zaštitu okoline Zeničko-dobojskog kantona smatra da je odredba člana 9. stav (1) Zakona o komunalnim djelatnostima jasna i precizna i da imperativno propisuje obavezu da općina obavljanje pojedinih komunalnih djelatnosti povjerava javnim preduzećima komunalnih djelatnosti, koja se finansiraju iz njenog budžeta i osnovana sa Odlukom općinskog vijeća za obavljanje komunalnih djelatnosti.

Zbog navedenog smatramo da Inicijativa za davanje autentičnog tumačenja člana 9. Zakona o komunalnim djelatnostima, nije osnovana.

Za davanje mišljenja o primjeni odredaba Zakona o javnim nabavkama nadležna je Agencija za javne nabavke.



MINISTAR

Arnel Isak